

OBAVIJEST

o objavi javnog poziva za UN nagradu „Nelson Mandela“

Poštovani,

Obaviještavamo vas da je u toku poziva za nominaciju kandidata za UN nagradu „Nelson Mandela“ koja se dodjeljuje za poseban doprinos čovječnosti, promociji pomirenja i socijalne kohezije. Ova nagrada je ustanovljena rezolucijom Generalne skupštine UN br 69/269 i dodjeljuje se svakih pet godina. Odlikovanje se dodjeljuje jednom muškarcu i jednoj ženi, a odluku o nagrađenim kandidatima donosi posebna komisija pod predsjedavanjem predsjednika Generalne skupštine UN.

Nominacije za ovu nagradu mogu dostaviti sljedeće kategorije nominatora i to:

- Vlade država članica i države posmatrači Ujedinjenih naroda;
- Entiteti i međuvladine organizacije koji sudjeluju kao posmatrači u sjednicama i radu Generalne skupštine i Ekonomskog i socijalnog vijeća;
- Visoka učilišta, posebno univerziteti i druge obrazovne ustanove, koje pružaju program obrazovanja izvan srednjoškolskog obrazovanja, koje su odobrena i / ili akreditirana kao visoka učilišta od strane nadležnih tijela država članica, kao i neovisni istraživački centri i instituti koji se bave predanim služenjem čovječanstvu, promicanju pomirenja i socijalne kohezije te razvoju zajednice;
- Nevladine organizacije u savjetodavnom statusu pri Ekonomskom i socijalnom vijeću;
- Laureate nagrade, osim ako su trenutno članovi Odbora.

Oblasti djelovanja za koje se može nominirati određeni kandidat su sljedeće:

- Vođenje, donošenje politika i politički rad;
- Razvoj zajednice, socijalni i neprofitni rad;
- Zagovaranje i javno mnjenje;
- Akademski i istraživački rad;
- Upravljanje programima vezanim za Nelsona Mandelu;
- Drugo.

Nominacije se dostavljaju online na engleskom ili francuskom jeziku, a krajnji rok za dostavu je 28.2.2020.godine. Dobitnici će biti objavljeni u maju 2020. godine na specijalnoj ceremoniji u povodu međunarodnog dana obilježavanja života i djela Nelsona Mendela.

Sve pojedinosti o procesu nominacije i selekcije kandidata kao i obrazac za nominaciju nalaze se na internet adresi: https://www.un.org/en/events/mandeladay/mandela_prize_2020.shtml.